

ما أعاتب يغايب على غيابك
روحي بأمرك وأعذك على عتابك

ياللي تنتظرنا واحنا في سفرنا

نستحي انعاتب خيالك من يعاتب عالضوا
والضوا مالي جفنا والقلب حسره انجوى
واحنا يا عطر الأحبة ما تعودنا النوى
والمراسيلك ظمايا ومختق بينا الهوا

يا طيب المعاني	نشتم عطر أمانى
آخر قمر يتانى	وريحة نهر في شطّه
طول الدهر تعانى	وقربتنا قطرة قطره
حد آخر الثوانى	تنزف جراح وغربة

في قلبنا حزن ليلى يا وعدّها
يمكن اترد مثل ما رجع ولدها

اشلون او وشعذرنا واحنا في سفرنا

ما أعتب يغايب على غيابك
روحي بأمرك وأعذك على عتابك

ياللي تنتظرنا واحنا في سفرنا

في محاريب اصطبارك منهو مثلاتك صبر
چم أبو فاضل ابچقّك يقدر ايطبّ النهر
والله تقدر بس نهرنا امسافر وطال السفر
ننتظر لو تنتظرنا منهو منّا المُنْتَظَر

كل ثاكلة وحزينة	بالخيم ناظرينك
چم بو الفضل جبينه	فيينا فدا جبينك
ذاك السهم في عينه	كان الدرع لعينك
كافي وقع يمينه	واسم الله عالمينك

قربه قربه تناطر ولا وفيينا
غربه غربه نساافر ولا لفينا

تنتظر نهرنا واحنا في سفرنا

ما أعتب يغائب على غيابك
روحي بأمرك وأعذك على عتابك

ياللي تنتظرنا واحنا في سفرنا

كربلا تكتب ألمنا يا رزايا اتفرّجي
ذابت اشموع الأمانى وبس علينا اتعرجي
مثل رمله على الجاسم بس تنوح وترتجي
شاب عمر الزمن واحنا انقول هالغائب يجي

قربة أمل حملنا	من يوفي ابو عوده
وانزف حلم أملنا	عالمهدي يا جنوده
من يقصد الشريعة	لبو الفضل يعوده
واچفوفه القطيعه	ايرگبها عالزنوده

اعله هجرنا اشعدرنا تركنا تارك
لله صبرك في عمرك على انتظارك

ترتقب عمرنا واحنا في سفرنا

ما أعاتب يغايب على غيابك
روحي بأمرك وأعذك على عتابك

ياللي تنتظرنا واحنا في سفرنا

احسين آخر قربة عنده طفل واقماطه الألم
جابه للمهدي الظامي منظم نحره ابسهم
آه يا قربة رضيعه فاضت ابماي الشيم
حتى آخر قطرة منه روى دمعات الخيم

واشلون ايرد خيامه	والقربة مو روية
في المهد ذابحيها	ملفوفه بالمنية
للسما ذب دماها	لثار المهدوية
ياهو اللي روجه قربة	وايروح الغاضرية

رحنا عنك اومنك فلا سمعنا
وانته حاير تناظر ولا رجعنا

وما رجع خبرنا واحنا في سفرنا

ما أعتب يغايب على غيابك
روحي بأمرك وأعذرک على عتابك

ياللي تنتظرنا واحنا في سفرنا

العتب يعني المحبة منهو قلبه يشتعل؟
المحبة مو دعاوي اليحب قول وفعل
حب إمامك بالتزامك ياللي عنه منشغل
وتالي اعتب عالغيا به ومن عتابك لا تمل

منهو اللي يظما حتى	تتروى كل اخوته
منهو يحب نفعم	لو كل نفع يفوته
منهو اللي يفدي دينه	لآخر دماه وصوته
ولو تكتب الحوافر	فوق الوطية موته

غبنا احنا ونزحنا مهو غيابك
روحي بأمرك وأعذرک على عتابك

لا يجي قبرنا واحنا في سفرنا

